



Broj: 12/08-23-17923-9/20
Zenica, 10.02.2021.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-17923-8/20, od 30.12.2020. godine, u otvorenom postupku javne nabavke za radove broj: 1417-1-3-45-3-26/20 od 12.11.2020. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – „Nastavak radova na sanaciji i modernizaciji dijela ceste na dionici Moštre-Visoko (II faza) R445 Visoko-Kakanj” broj: 1417-1-3-45-3-26/20 od 12.11.2020. godine, ponuda ponuđača „Trgošped“ d.o.o. Kakanj (broj: VI-137/20 od 07.12.2020. godine) sa ukupno ponuđenom cijenom od 845.136,00 KM (bez uračunatog PDV-a) izabrana je kao najpovoljnija.

II

Ponuđač „Trgošped“ d.o.o. Kakanj (ID broj: 4218057690003), adresa Branilaca bb, 72240 Kakanj, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu izabranog ponuđača u slučaju da propusti blagovremeno dostaviti validne dokumente iz stava (1) ovog člana, te Okvirni sporazum dodijeliti ponuđaču čija je ponuda po rang-listi odmah nakon ponude najuspješnijeg ponuđača.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz člana I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača TANS-PUTEVI d.o.o. Doboj Jug se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

Ponuda Grupe ponuđača ADO-TRANS d.o.o. Visoko i DEMUS d.o.o. Sarajevo se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-17923/20 od 12.11.2020. godine. Javna nabavka

provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-45-3-26/20 objavljeno je na Portalu javnih nabavki 12.11.2020. godine.

Komisija za javne nabavke imenovana rješenjem broj: 12/08-23-17923-3/20 od 04.12.2020. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda pristiglo je 6 (šest) ponuda.

U periodu od 07.12.2020. godine do 23.12.2020. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača TANS-PUTEVI d.o.o. Doboj Jug se odbacuje jer ponuda nije dostavljena u skladu sa tačkama 12.6.1. tačka a), 19.1. i 19.5. tenderske dokumentacije. Naime, tačkom 12.6.1. tačka a) propisano je da ponuđači trebaju ispuniti sljedeće minimalne uslove:

a) uspješno iskustvo u realizaciji najmanje 1 (jednog) ugovora na izgradnji, rekonstrukciji ili sanaciji javnih cesta, minimalne vrijednosti 400.000,00 KM, u posljednje 3 (tri) godine računajući od momenta predaje ponude ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine.

Tačkom 12.7. TD je određeno da će se ocjena tehničke i profesionalne sposobnosti ponuđača izvršiti na osnovu slijedećih izjava i dokumenata koje dostave ponuđači: „Spisak izvršenih ugovora iz oblasti izgradnje, rekonstrukcije ili sanacije javnih cesta, koji su realizovani u posljednje 3 (tri) godine računajući od momenta predaje ponude, ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine. Spisak mora sadržavati naziv i sjedište ugovornih strana, predmet ugovora, vrijednost ugovora, godinu ugovora. Uz spisak izvršenih ugovora dostaviti potvrde naručioca o uspješno izvedenim radovima - izgradnje, rekonstrukcije ili sanacije javnih cesta, za najmanje jedan ugovor minimalne vrijednosti 400.000,00 KM, u posljednje 3 (tri) godine računajući od momenta predaje ponude. Potvrde minimalno moraju sadržavati: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim radovima iz ugovora. Potvrde se dostavljaju u originalu ili ovjerenoj kopiji“.

Ponuđač TANS-PUTEVI d.o.o. Doboj Jug je u ponudi dostavio potvrdu naručioca broj: 16-27-5265-5-3/18 od 22.11.2019. godine izdatu od Kantonalne uprave civilne zaštite Zeničko-dobojskog kantona u kojoj je naveden ugovor broj 16-27-5265-5-1/18 od 13.07.2018. godine u iznosu od 341.880,34 KM bez uračunatog PDV-a.

Imajući u vidu utvrđene činjenice, kao i stavove navedene u Rješenju URŽ-a, broj: JN2-03-07-1-2628-8/20 od 29.10.2020. godine, konstatuje se da ponuđač TANS-PUTEVI d.o.o. Doboj Jug nije ispunio postavljeni uslov iz tačke 12.6.1.a) i 12.7. Tenderske dokumentacije jer nije dostavio traženi dokaz da je uspješno realizovao jedan ugovor minimalne vrijednosti 400.000,00 KM. Činjenica je da je na potvrdi navedeno da je vrijednost izvršenog ugovora 341.880,34 KM bez PDV-a, ali s obzirom da se procijenjena vrijednost utvrđuje bez PDV-a, da se srazmjernost traženih uslova posmatra u odnosu na procijenjenu vrijednost javne nabavke zaključuje se da je ponuđač bio dužan dokazati da je imao uspješno iskustvo u realizaciji jednog ugovora u minimalnoj vrijednosti od 400.000,00 KM bez PDV-a.

Takođe, tačkom 19.1. tenderske dokumentacije propisano je da „Ponuđač treba popuniti obrazac za dostavljanje ponude i obrazac za cijenu ponude (predmjer radova), koji se nalazi u prilogu ove tenderske dokumentacije, uz naznaku radova koji će biti izvršeni, njihov obim i cijenu. Ponuđač je dužan ponuditi jediničnu cijenu za svaku pojedinu stavku predmjera radova“, dok je tačkom 19.5. propisano da su „Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena“.

Ponuđač TANS-PUTEVI d.o.o. Doboj Jug je u ponudi dostavio obrazac za cijenu ponude ali je na 8. stranici na poziciji broj 57. propustio da upiše jediničnu cijenu, odnosno propustio je da popuni obrazac za cijenu ponude za sve stavke koje su navedene.

Zbog navedenog ponuda ponuđača TANS-PUTEVI d.o.o. Doboj Jug se u skladu sa članom 68. stav (4) Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda grupe ponuđača ADO-TRANS d.o.o. Visoko i DEMUS d.o.o. Sarajevo se odbacuje jer ponuda nije dostavljena u skladu sa tačkom 12.6.1. tačka a) tenderske dokumentacije. Naime, tačkom 12.6.1. tačka a) propisano je da ponuđači trebaju ispuniti sljedeće minimalne uslove:

a) uspješno iskustvo u realizaciji najmanje 1 (jednog) ugovora na izgradnji, rekonstrukciji ili sanaciji javnih cesta, minimalne vrijednosti 400.000,00 KM, u posljednje 3 (tri) godine računajući od momenta predaje ponude ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine.

Tačkom 12.7. TD je određeno da će se ocjena tehničke i profesionalne sposobnosti ponuđača izvršiti na osnovu slijedećih izjava i dokumenata koje dostave ponuđači: „Spisak izvršenih ugovora iz oblasti izgradnje, rekonstrukcije ili sanacije javnih cesta, koji su realizovani u posljednje 3 (tri) godine računajući od momenta predaje ponude, ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine. Spisak mora sadržavati naziv i sjedište ugovornih strana, predmet ugovora, vrijednost ugovora, godinu ugovora. Uz spisak izvršenih ugovora dostaviti potvrde naručioca o uspješno izvedenim radovima - izgradnje, rekonstrukcije ili sanacije javnih cesta, za najmanje jedan ugovor minimalne vrijednosti 400.000,00 KM, u posljednje 3 (tri) godine računajući od momenta predaje ponude. Potvrde minimalno moraju sadržavati: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim radovima iz ugovora. Potvrde se dostavljaju u originalu ili ovjerenoj kopiji“.

Grupa ponuđača ADO-TRANS d.o.o. Visoko i DEMUS d.o.o. Sarajevo ovaj uslov nije dokazala obzirom da je u dostavljenoj potvrdi naručioca broj: 04-11-3202/20 od 29.07.2020. godine izdatoj od Službe za razvoj, komunalne poslove i puteve općine Ilidža naveden 21 ugovor na osnovu Okvirnog sporazuma broj 06-154/20 ukupne vrijednosti od 490.999,90 KM bez PDV-a, gdje niti jedan ugovor nije minimalne vrijednosti od 400.000,00 KM.

Naime, okvirni sporazum se zaključuje za određeni vremenski period i ograničen je u pogledu maksimalnog obima ukupnih nabavki tokom tog vremenskog perioda, ali on sam po sebi ne utvrđuje ugovor o isporuci bilo čega, on samo podrazumjeva da kad ugovornom organu bude potrebno nešto od onog što je predmet okvirnog sporazuma, da je ugovorni organ dužan isti nabaviti od ponuđača s kojim je zaključen okvirni sporazum, dakle okvirni sporazum je samo osnov da se na osnovu istog mogu zaključivati pojedinačni ugovori.

Zbog navedenog ponuda grupe ponuđača ADO-TRANS d.o.o. Visoko i DEMUS d.o.o. Sarajevo se u skladu sa članom 68. stav (4) Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponude ponuđača TRGOŠPED d.o.o. Kakanj, JATA GROUP d.o.o. Srebrenik, MGVS GRADNJA d.o.o. Zavidovići, te ponuda Grupe ponuđača KOMGRAD-ZE d.o.o. Zenica i ALMY-TRANSPORT d.o.o. Zenica ispunjavaju postavljene uslove, te je za 28.12.2020. godine zakazano provođenje e-aukcije, sa početkom u 13:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	TRGOŠPED d.o.o. Kakanj	845.136,00 KM
2.	JATA GROUP d.o.o. Srebrenik	845.991,00 KM
3.	MGVS GRADNJA d.o.o. Zavidovići	854.540,20 KM
4.	Grupa ponuđača KOMGRAD-ZE d.o.o. Zenica i ALMY-TRANSPORT d.o.o. Zenica	870.557,86 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „TRGOŠPED“ d.o.o. Kakanj. Ugovorni organ prihvatio je preporuku Komisije za javne nabavke da se najpovoljnijem ponuđaču, „TRGOŠPED“ d.o.o. Kakanj, dodijeli Okvirni sporazum za „Nastavak radova na sanaciji i modernizaciji dijela ceste na dionici Moštre-

Visoko (II faza) R445 Visoko-Kakanj". Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

6 x svim ponuđačima,

1 x a/a



Obradio:

Elmedin Bašić